

義  
 上  
 甄  
 自  
 然  
 索  
 漢  
 等  
 義  
 卯  
 朝  
 序

THE UNIVERSITY OF CHICAGO PRESS

全三國文卷五十二

烏程嚴可均校輯

魏五十二

嵇康

六

聖賢高士傳

謹案隋志雜傳類聖賢高士傳贊三卷嵇康傳周續之注唐志

曰傳屬嵇康曰贊屬周續之據康兄喜為康傳云撰錄上古曰

來聖賢隱逸遁心遺名者集為傳贊自混沌至于管寧凡百

十有九人是傳與贊皆康撰唐志誤也宋代不著錄今檢羣書

得五十二傳五贊凡六十一人定著一卷附康集之末嘉慶二

十年歲在乙亥四月朔

廣成子

廣成子在崆峒之上黃帝問曰吾欲取天地之精曰養萬物為之

柰何廣成子蹙然而起曰至道之精窈窕冥冥無視無聽抱神曰  
靜我守其一曰處其和故千二百歲而形未嘗衰得吾道者上為  
皇下為王失吾道者上見光而下為土吾將去汝入無窮之閒遊  
無極之野與日月參光與天地為常

藝文類聚  
三十六

### 襄城小童

黃帝將見大隗于具茨之山方明為御昌寓參乘黃帝曰異哉請  
問天下小童曰予少遊六合之外適有瞽病有長者教予乘口車  
遊于襄城之野今病少損將復六合之外為天下者予奚事焉夫  
為天下亦奚異牧馬哉去其害馬而已黃帝再拜稱天師而還

藝文類聚

類聚三十六 案  
此下當有其贊曰

奇矣難測襄城小童倦遊六合來憩茲邦

水經

### 巢父

巢父堯時隱人年老曰樹為巢而寢其上故人號為巢父堯之讓



許由也。由，呂告巢父。巢父曰：汝何不隱？汝形藏，汝光非吾友也。乃擊其膺而下之。許由悵然不自得，乃遇清冷之水，洗其耳，拭其目。曰：嚮者聞言，負吾友，遂去，終身不相見。

藝文類聚  
三十一

### 許由

許由，字武仲，堯舜皆師之。與齧缺論堯而去，隱于沛澤之中。堯舜乃致天下而讓焉。曰：十日竝出而燬火不息，其光也不亦難乎？夫子爲天子，則天下治；我由尸之，吾自視缺然。許由曰：吾將爲名乎？名者實之賓，吾將爲賓乎？乃去宿于逆旅之家，旦而遺其皮冠。巢父聞由爲堯所讓，已爲汙，乃臨池水而洗其耳。池主怒曰：何？汙我水。由乃退而遯耕于中岳潁水之陽箕山之下。

藝文類聚  
三十六

許由養神宅于箕阿德真體全擇日登遐

御覽五  
十六

### 壤父

壤父者，堯時人年五十而擊壤于道中。觀者曰：大哉帝之德也。壤

父曰吾日出而作日入而息鑿井而飲耕地而食帝何德于我哉

藝文類聚

三十六

子州支父

藝文類聚  
作子支伯

子州支父者堯舜各曰天下讓支父支父曰子適有幽憂之病方

且治之未暇治天下也遂不知所之

藝文類聚三十  
六御覽五百九

善卷

善卷者古之賢人也舜曰天下讓之善卷曰予立宇宙之中冬則

衣皮毛夏則衣絺葛日出而作日入而息消搖天地之間何曰天

下為哉遂入深山莫知其所終

藝文類聚三十  
六御覽二十六

石戶之農

石戶之農不知何許人與舜為友舜曰天下讓之石戶夫負妻戴

糶子已入海終身不反

藝文類聚三十  
六御覽五百九

伯成子高

大四百三十八

小七十二

伯成子高者不知何許人也唐虞之時爲諸侯至禹復去而耕禹往趨而問之曰昔堯舜治天下吾子立爲諸侯堯授舜舜授子吾子去而耕敢問其故何邪子高曰昔堯治天下至公無私不賞而民勸不罰而民畏今子賞而不勸罰而不畏德自此衰刑自此作夫子盍行乎無畱藝文類聚作落吾事佶佶乎遂復耕而不顧藝文類聚三十六御覽五百九

卞隨 務光

卞隨務光者不知何許人湯將伐桀因卞隨而謀曰非吾事也湯遂伐桀曰天下讓隨隨曰后之伐桀謀于我必曰我爲賊也而又讓**我必曰我爲貪也吾不忍聞乃自投湘水**又讓務光光曰廢上非義殺民非仁無道之世不踐其土況于尊我哉乃抱石而沈廬水

庚市子聖人無俗善出見人爭恨而信耕千金之鑿于其衣而

庚市子者聖人無欲者也見人爭財而訟推千金之璧于其旁而

訟者息御覽五百九

小臣稷御覽五百九

小臣稷者齊人抗厲希公桓公三往而不得見公曰吾聞士不輕

爵祿無已易萬乘之主萬乘之主不好仁義無已下布衣之士于

是五往乃得見焉御覽五百九

涓子 齊子

涓子齊子不接賓客服食甚精至三百年後釣于河澤得鯉中魚

符後隱于宕石山能致風雨告伯陽九仙法淮南王少得其文不

能解其旨御覽五百九

商容

商容不知何許人也有疾老子問之曰先生無遺教已告弟子商

容曰將語子過故鄉而不車知之乎老子曰非謂不忘故邪容曰



過喬奔而趨知之乎老子曰非謂其敬老乎容張口曰吾舌存乎  
曰存吾齒存乎曰亡知之乎老子曰非為其剛亡而弱存商容曰  
嘻天下事盡矣藝文類聚三十  
四御覽五百九

老子

良賈深藏外形若虛君子盛德容貌若不足史記老子  
傳索隱

關令尹喜

關令尹喜州大夫也善內學星辰服食老子西游喜先見氣物色  
遮之果得老子老子為著書因與老子俱之流沙西服巨勝實莫

知所終

御覽五  
百九

亥唐

亥唐晉人也高恪寡素晉國憚之雖蔬食菜羹平公每為之欣飽  
公與亥唐坐有閒亥唐出叔向入平公伸一足曰吾向時與亥子  
坐脚痛足痺不敢伸叔向淳然作色不悅公曰子欲貴乎吾爵子

子欲富乎吾祿子夫亥先生乃無欲也非正坐無已養之子何不

悅乎御覽五百九

### 項橐

孔子問項橐曰居何在曰萬流屋是也注曰言與萬物同流匹也

文選顏延年皇太子釋奠會詩注 案周續之注僅存此條漢書董仲舒傳云此亡異于達巷黨人不學而自知也孟康曰人項橐也

### 狂接輿

狂接輿楚人也耕而食楚王聞其賢使使者持金百鎰聘之曰願先生治江南接輿笑而不應使者去其妻從市來曰門外車馬迹何深也接輿具告之妻曰許之乎接輿曰貴富人之所欲子何惡之妻曰吾聞聖人樂道不己貧易操不為富改行受人爵祿何已待之接輿曰吾不許也妻曰誠然不如去之夫負釜甌妻戴紅器變姓名莫知所之嘗見仲尼歌而過之曰鳳兮鳳兮何德之衰往

者不可諫來者猶可追後更姓名陸通養性在蜀峨嶺山上世世

見之

御覽五百九

### 榮啟期人

榮啟期者不知何許人也披裘帶索鼓琴而歌孔子曰先生何樂

也對曰天生萬物惟人為貴吾得為人一樂也曰男為貴吾得為

男二樂也人生有不全于纏緜吾行年九十五矣是三樂也貧者

士之常死者民之終居常曰待終何不樂也

御覽五百九

長沮桀溺

沮曰夫執輿者是誰子路曰是孔子是魯孔丘歟曰是也是知津

矣問于桀溺桀溺曰子為誰曰仲由孔丘之徒歟對曰然與其從

避人之士豈若從避世之士哉耰而不輟子路曰告孔子孔子撫

然曰鳥獸不可與同羣吾非斯人之徒歟

御覽五百九

全三國文卷五十二 荀康

荷蓀丈人

荷蓀丈人不知何許人也子路從而後問曰子見夫子乎丈人曰  
四體不勤五穀不分孰為夫子植其杖而耘子路行曰告子曰隱  
者也使子反見之至則行矣御覽五百九

太公任

太公任者陳人孔子圍陳七日不火食太公往弔之曰子幾死乎  
夫直木先伐甘井先竭子其飾智曰矜愚修身曰明汗昭昭如揭  
日月而行故汝不免于患也孰能削迹捐勢不為功名者哉無責  
于人人亦無責焉孔子曰善辭其交遊巡于大澤入獸不亂羣而  
況人也御覽五百九

漢陰丈人

漢陰丈人者楚人也子貢適楚見丈人為圃入井抱甕而灌用力  
甚多子貢曰有機于此後重前輕曰櫟榘用力寡而見功多丈人

大四百七十七  
小二十七



作色曰聞之吾師有機事者必有機心機心存于胸則純白不備  
子貢愕然慙不對有閒夫人曰子奚爲曰孔丘之徒也夫人曰子  
非博學曰疑聖知獨絃歌曰買聲名于天下者乎方且亡汝神氣  
墮汝形體何暇治天下乎子往矣勿妨吾事

御覽五  
百九

### 被裘公

被裘公者吳人也延陵季子出遊見道中有遺金顧而謂公曰取  
彼金公投鎌瞋目拂手而言曰何子居之高而視之卑五月被裘  
而負薪豈取遺金者哉季子大驚既謝而問其姓名公曰吾子皮  
相之士何足語姓名哉

藝文類聚三十  
六御覽二十二

### 延陵季子

延陵季子名札吳王之子最少而賢使上國還會闔閭使專諸刺  
殺王僚致國于札札不受去之延陵終身不入吳國初適魯聽樂  
論眾國之風及過徐徐君欲其劍札心許之及還徐徐君已死卽解

帶挂樹而去御覽五百九

### 原憲

原憲味道財寡義豐栖遲華門安賤固窮絃歌自樂體逸心冲進

應子貢邈有清風初學記十七

### 范蠡

范蠡者徐人也相越滅吳去之齊號鴟夷子治產數千萬去止陶

為陶朱公後累巨萬一日蠡事周師太公服飲桂水去越入海百

餘年乃見于陶一旦棄資財賣藥于蘭陵世世見之御覽五百九

### 屠羊說

屠羊說者楚人隱于屠肆昭王失國說往從王王反國將欲賞說

說曰大王失國說失屠羊大王反國說亦屠羊臣之爵祿復矣又

何賞之有王使司馬子綦延之曰三珪之位說曰願長反屠羊之

肆耳遂不受御覽五百九

市南宜僚

市南宜僚楚人也姓熊白公爲亂使石乞告之不從承呂劍與僚弄丸不輟魯侯問曰吾學先生之道勤而行之然不免于憂患何也僚曰君今能剝形洗心而遊無人之野則無憂矣

御覽五百九

周豐

周豐魯人也潛居自貴哀公執贄請見之豐辭使人問曰有虞氏未施信于民而民信夏后氏未施敬于民而民敬何施而得此于民也對曰墟墓之閒未施哀于民而民哀宗廟社稷中未施敬于民而民敬殷人作誓而民始叛周人作會而民始疑苟無禮義忠信誠懇之心已蒞之然雖固結之民其可不解乎

御覽五百十一

顏閤

顏閤者魯人也魯君聞其賢已幣聘焉閤方服布衣自飲牛使者問曰此顏閤家邪曰然使者致幣閤曰恐聽誤而遣使者羞使者

反復來求之閣乃鑿坏而遁御覽五百九

段干木

段干木者治清節游西河守道不仕魏文侯就造其門干木踰垣而避之文侯曰客禮出過其廬則式其僕問之文侯曰干木不趣勢隱處窮巷聲馳千里敢勿式乎文侯所曰名過齊桓公者能尊段干木敬卜子夏友田子方也藝文類聚三十六

莊周

莊周少學老子梁惠王時為蒙縣漆園吏曰卑賤不肯仕楚威王已百金聘周周方釣于濮水之上曰楚有龜死三千歲矣今巾笥而藏之于廟堂之上此龜靈生而掉尾塗中耳子往矣吾方掉尾于塗中後齊桓王又已千金之幣迎周為相周曰子不見郊祭之犧牛乎衣已文繡食已芻菽及其牽入太廟欲為孤豚其可得乎遂終身不仕藝文類聚三十六



閻丘先生

閻丘先生齊人也齊宣王獵于杜山杜山父老十三人相與勞王  
王賜父老衣服父老皆謝先生獨不拜王曰少也復賜無徭役先  
生復獨不拜王曰父老幸勞之故荅曰二賜先生獨不拜何也閻  
丘曰聞王之來願得壽得富得貴于大王也王曰死生有命非寡  
人也倉廩備蓄無已富先生大官無闕無已貴先生閻丘曰非所  
敢望願選良吏平法度則臣得壽矣振之已時則臣得富矣令少  
敬長則臣得貴矣

御覽五  
百九

顏歛

顏歛者齊人也宣王見之王曰歛前歛曰王前王不悅歛曰夫歛  
前爲慕勢王前爲趨士王作色曰士貴乎歛曰昔秦攻齊令曰敢  
近桺下惠壟樵者罪死不赦有能得齊王頭者封萬戶由是觀之  
生王之頭不如死士之壟齊王曰願先生與寡人遊食太牢乘安